



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Methodus Clara Et Facilis Vacandi Orationi mentali Atque
Exercendi se cum fructu in præsentia Dei**

Coloniæ Agrippinæ, 1687

De infirmitatibus corporalibus, quæ nos quandoque orationis tempore
invadunt

[urn:nbn:de:hbz:466:1-46004](#)

Imò si aliud faceret nihil, quam quod statuè instar genuflexus persistens diceret; *Dominus propter te ac tui amorem hic maneo, multum foret.* Verùm poterit, qui tali in statu est, subinde elicere interiores actus adorationis, resignationis, oblationis, aliosque hujusmodi: tametsi verò id fieri videatur sine ullo gusto aut affectu, nihilominus actus illi Deo erunt per quam gratissimi, maximeque pro anima meritorii.

Poterit quis etiam in hoc casu uti oratione mixtâ, de qua loquemur inferius, quæ si etiam insipida sit, satis erit protunc orare vocaliter, cum elicitis subinde quibusdam animi ad Deum elevationibus. Ante omnia cavendum erit, ne in tali casu orationem deserat vel abbreviet. Hoc enim id ipsum esset, quod prætendit Diabolus; sed imitari debemus Salvatorem nostrum, qui, ut notat S. Evangelista, *Factus in agonia prolixius orabat.* Ex qua re ampliorem quis poterit sperare fructum, quam si magnâ potitus fuisset facilitate ac tranquillitate. Per mutationes enim istas anima magis magisque in Deo radicatur ac divinæ Majestati quovis in statu invariabiliter adhærere assuescit.

*Luc. 22.
44.*

De Infirmitatibus corporalibus, quæ nos quandoq; orationis tempore invadunt.

INfirmitates corporis subitaneæ atque improvisæ, uti sunt languores, lassitudines, gravedines, cordis dolores ac similes, semper initio debent esse suspectæ; sape enim ex infirmitatibus

diis Diaboli procedunt , qui multum se lucri reportasse existimat de Religioso illo, quem vel uno die ab oratione præpedierit.

Primò igitur , si potes , discernere debes, unde nam infirmitates hujusmodi proveniant, ut tibi ipsi male ne blandiaris, ubi illas Diabolus excitat. Quod si deprehendas , illas procedere ex aliquo excessu, quem feceris, si- ve nimis multum sive nimis parum come- dendo, dormiendo, aut laborando, discretius imposterum te habere propones : tuncque orationi te non applicabis, nisi magnâ cum moderatione , ne forte malum adaugeas. Id quod etiam dicendum erit , ubi infirmita- tes fuerint purè naturales : Corpori enim unâ alterave vice aliquatenus obsecundandum est , ut ipsum pro reliquo tempore animæ obse- quatur. Hoc igitur in casu de superioris li- centia sedere poteris , postquam in principio aliquamdiu genuflexus persistiteris , poteris etiam uti oratione mixtâ , quin & pro una al- teraque vice , solâ vocali contentus esse, quas- dam devotas aspirationes, atque actus resigna- tionis, patientiæ, oblationis, adorationis, alias- que similes intermiscedo.

Quod si verò non sine fundamento suspica- ri queas hujusmodi debilitates procedere ex insidiis Diaboli , temetipsum constringere de- bes ad manendum genibus flexis , ferventer- que te excitare , ne forte tentator triumphet. Quot enim videre fuit hoc in genere tur- piter deceptos, qui quia nimis erant delicati ac molles, à Diabolis non raro fuerunt illusi ? Et quot è contrario fuere, qui quia sibiipsis vim

O 4 ali-

De
atione

aliquam intulerunt . unico momento omnes istas nebulas , gravedines & prætensas infirmitates dissipârunt ? Novitii harum spirituum technarum parùm periti consulent Patrem Magistrum , ne fervore indiscreto exceedant.

De dolore capitinis.

Sicut capitinis dolor periculofior est , majoris que momenti , ita necesse est , ut quis illum persentiscens absque longo examine , undenam ille proveniat , exigua cum activitate orationi intendat : deinde , consulto Patre Magistro , sequatur methodum ab ipso præscriptam . Cavendum verò omnino est , ne quis hoc malum violenter superare velit , quin potius è contrario valde suaviter hoc in casu procedendum est , adeò ut si quis tam suaviter meditari non possit , quin sentiat dolorem , hic , meditatione relictâ , oratione solum utetur mixta , ut dictum est , vel etiam vocali , interjectis quibusdam aspirationibus atque actibus tefiguationis , oblationis , adorationis , petitionis ac similibus . Cæterum humiliter hoc malum pati debemus , & fructum nihilominus orationis consequemur , qui in nostris etiis prorum reformatione ac virtutum acquisitione consistit . Et verò nostra quid refert , de cuius manu fructum colligamus , modò ipsum obtineamus à Deo ?

De Somnolentia.

Somnolentia generosè impugnari debet , sive illa proveniat ex natura , sive insidiis Diaboli excitetur . Cùm enim orationis hora consecrata sit Deo , æquum non est vel minimam illi partem